

# MAMM AR MARTOLOD



Ma mab a zo bet kollet war ar mor er bla man. Bi-



ken ken ne vo kavet, ha bepred hen klas - kan.

Ma mab a zo bet kollet war ar mor er bla-man;  
Biken ken ne vo kavet, ha bepred hen klaskan.

Bep beure, e-tal an ôd, me ya 'vit hen kaouet  
M'her goulenn ouz ar mor don: ar mor ne respont ket.

Me ya da gorn ar vered 'lec'h eo beziet ma zud;  
M'her goulenn ouz an douar: an douar a chom mud.

Nag ar mor nag an douar n'o deus d'in respontet.  
O Doue! ne welin ken ar mab am eus ganet!

C'houi 'poa, Gwerc'hez truezus, korf ho mab da boket,  
Hag eur be ho poa ive 'n ho kichen d'hen lakat.

.....

Pa vin êt deus ar bed-man, ma c'herent, me ho ped,  
Na zougit ket ma c'horf paour e-unan d'ar vered.

O! dougit ma c'horf d'ar mor, an de ma vin maro,  
Eno, na hir ve an hent, hon daou ni 'n em gavo.

DIR-NA-DOR.